



partii naleraq

Nuuk 17. oktober 2018

UKA2018/49

UKA2018/81

UKA2018/140

Pele Broberg Partii Naleraq

Peqquserluuteqartarnerup akiorniarnernani suliniutit qanoq nukittorsarneqarsinnaanerat pillugu UKA 2019-mi nassuiaammik innersuussutitalimmik agguasseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut. Nassuiaammi aamma allaasereqquneqarput iluaqutissat ajoqutillu aamma aningaasatigut kingunissat inatsisitigullu tunngavissat, arlaannaannulluunniit attuumassuteqanngitsumik Peqquserlutsaaliuisussanik pilersitsisoqassasuuppat taamatullu aamma peqquserlutsaaliuisussat pillugit inatsisiliortoqassasuuppat, peqquserluuteqartarnerup akiornernani suliniutinik katersiviusussamik. (UKA2018/49)

(Inatsisartunut ilaasortaq Steen Lyngø, Demokraatit)

Immikkoortortamut arlaannaannulluunniit naammattumik attuumassuteqanngitsumut whistleblowerit pillugit misissuineq nooqqullugu Naalackersuisut peqquneqarnissaanik Inatsisartut aalajangiiffigisassaattut siunnersuut (UKA2018/81)

(Inatsisartunut ilaasortaq Tillie Martinussen, Suleqatigiissitsisut)

Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqquseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut (UKA2018/140)

(Inatsisartunut ilaasortaq Steen Lyngø, Demokraatit)

Siullermeernera

Immikkoortut pingasut siullermeerneqarneranut Partii Naleraq naatsumik siunnersuutit oqaasertalerusuppaa.

Immikkoortoq 81

Naalackersuisoqarfimmi unneqqarillutik eqqunngitsumik iliuuseqartut unnerluussiffigisinnaasaannik peqarnej siunnersuut tapersernarpoq.

Ullumikkut periuitsit Partii Naleqqamiit aamma tulluussagassatut nalilerparput.

Unnerluussisoqartillugu, immaqa unnerluutigisap suliasammik tiguisussaanaa aqqiivigineqartariaqarpoq.

Ukiuni kingullerni takuarput annertuumik pisortaqarfimmiit tusagassiortunut ”ussinneq”, atitalernagit paasisutissanik ingerlatitseqqittarneq.

Tusagassiortut ullutsinni pissaaneqartunik malersuisussaasuupput, inuiaqatigiit pitsaanerpaamik sullinneqarnerat anguniarlugu.

Ajoraluartumik aamma paasinarsisimavoq nunatta aqunneqarnera isertuussinerup tungaanut ingerlajartuinnartoq. Takuinnersigit mittarfissuarnut pilersaarutit, inuiaqatigiinnut annertuumik sunniuteqartussat ukiuni 25-ini tulliuttuni.

Taamaakkaluartorli suliffeqarfik pigisatta, Kalaallit Airports A/S, kisitsisaat suli ullumikkumut inuiaqatigiinnut isertuussaapput.

Atorfilittat mittarfissuarnut sulianut tunngatillugu paasissutissanik saqqummiussisinnaatitaanngitsut, eqqunngitsumik sulisoqartoq paasigaluarunikku sumut unnerluussisinnaappat? Pisortaminnut.

Tamanna Partii Naleqqamiit pissusissamisuunngitsutut nalilerparput.

Immikkoortoq 49

Naalakkersuisoqarfimmi inatsisissanik ilusilersuisinnarlutik, kingorna allamut suliffittaarlutik nuussinnaanerat ullumikkut killeqanngilaq.

Partii Naleqqamiit politikerit atorfilittallu pasillerniarlugit oqaaseqassanngilavut, tamannali pinngitsoorniarlugu una oqallinneq tunngaviumik taperserparput.

Immikkoortoq 140

Ullumikkut suliffeqarfiit Selskabslov malitassarivaat, Partii Naleqqamillu taanna tamakkiinerusumik nunatsinni atuutsilernissaa orniginartillugu.

Qanorli inatsisartuulluta oqallisigisaq ingerlatissavarput? Ullumikkut atorfilittat Namminersorlutik Oqartussat suliffeqarfiit pigisaat kisimik oqartussaaffigivaat.

Aali nunatsinni qinigaasut Inatsisartuni aammalu Naalakkersuisut Siulittaasutut inissittartut, qallunaatut ”armslængde princip” utoqqatsissutigalugu akuleruteqqusaanata ingerlapput.

Una oqallisigisaq qulakkeersinnaanngilarpulluunniit Namminersortut Suliffeqarfiutaanni atuutsilernissaa, inatsisitigut peqqussutaanngippat.

Partii Naleqqamit suliffeqarfiit pigisatta aqunneqaqqilernissaat oqallinnermut ilaasariaqarnera taakkartorusupparput.

Ullumikkut nunatta aqunneqarnera ajorluinnartumut sangusimanera takusinnaavarput, Inatsisartunut qineqqusaaginnartut namminersortut pigisaat suliffeqarfiit siulersuisuinit anisitaasarnerat tulluussorinngilarput.

Allaat inuiaqatigiit aningaasartorfissaat, Avannaaniit kujataanut aammalu kangianit kitaanut tamatta akilersugassarput, Kalaallit Airports A/S toqqaannaq tunngaviumik inatsisaanni allaqqavoq Inatsisartuni ilaasortat, siulersuisuniissinnaanngitsut.

Qallunaat piginneqataasussat taamatut aamma eqqarsassangatippisigit?

Partii Naleqqamit oqallisissiaq, namminersortut pigisaanni ”whistleblower” peqalernissaat taperserparput, apeqquserluguli nunatsinni qanoq pilersissinnaallugu, siulersuisuni ”kissaataannartut” saqqummiunniannngippat.

Nunani allani pisortat pigisaat toqqaannaq qinikkanik peqataaffigineqarsinnaanerit imaluunniit oqartussaavigineqarnerat piffissanngorpa?

Maannami iluatsissappata uku oqallisigisassat, imminut iluaqusersinnaaneq imaluunniit pissaanermik atornerluineq unnerluutigineqalersinnaassaaq.

Taamatut oqaasertalerlugu Partii Naleqqamit aaliangiiffissat qilanaarivagut oqallisiginissaat.